

EGAA YEROO KADHATTAN . . .

WWW.TENDAYSOFPRAAYER.ORG

GUYA 10^{ffaa} — QORUMSATTI NU HINGALCHIN

“Namni yoommu qoramu, qorumsi kun Waaqayyoo biraa anatti dhufe hin jedhin Waaqayyoo hamaa gochuudhaaf qoramuu hin danda’u, ofii Isaatiis nama tokko ille hamaadhaaf hin qoru. Yaq. 1 :13

Waaqayyoo Dhugumaan Kana Ni Godhaaree?

Waaqayyoo qulqulluudha, jalaallas. Inni nama kamiinuu hinqoru, numatu ofii keenya qora. Yaq. 1 14-15. Yoo akkas ta’ee immoo inni Yesuus kadhaata Abbaa keenyaa keessatti ”qormsatti nu hingalchin jedhe maal jechuu akka barbaade yaaddee beektaa”? Akkas jechuun Yesuus Waaqayyootu cubbuu akka gonuuf qorumsattatti nama galchaa kanaaf kadhachuu qabna jechuu isaa miti.

Kanaafuu maal jechuu isaatiiree? Jechoonni afaan Giriikii yoo hunda ta’uudha baataniiyyuu akkuma afaanota baay’ee hiika tokko ol qabaachuu danda’u. Kanaaf barreffamoota afaan Giriikii isa jalqabaa ykn orijinaalii isatti fayyaadamuudhaan akkaataa galama isaatii ilaaluu qabna. Jechii Giriikii ”eisphero” jedhu ”geggessuu, hooganuu” jechuudha. Heertuun kun ”gad nundhiisin, achiitti nundhiisin, akka dhaqnuufis nuuf hinheyyamin” jechuutti hiikamuu ni danda’a. Ani asitti ”sossobuu” jechuukoo miti.

Jechi Giriikii ”Peirasmon” inni jedhu immoo isa nuti ”qorumsa” jennutti hiikama. Innis qoramuu, ilaalamuu, kkf jedhamee hiikamuu ni danda’a. Kanaafuu gaaleen ”qorumsatti nu hingalchin” jedhu immoo ”maaloo qophaa koo cubbuutti waanan kufuuf ykn cubbuun duraan keessa seenee jiru keessatti waanan hafuuf ykn sodaa irraan kan ka’e yeroo dheeraatiif cubbuu keessa akkan turuuf nandhiisin” jedhamee hiikamuu danda’a.

Yeroo tokko tokko Waaqayyoo garaa keefi haala hafuura koo akka hubattuuf si gargaaruudhaaf, akkamitti akka jirtuufi maal akka si barbaachisu akka ilaaltuuf ija kee banuudhaaf haala adda ta’e tokko heyyamaa ykn keessa si kaa’a. Caaffatni Qulqullaa’an ”Atis, 'Ani sooressa, geessifadheera, wanti ana barbaachisu hin jiru' in jetta; ati nama gadadamaa namni boo'uufiin ta'u, deegaa, jamaa, qullaas ta'uu kee hin beektu.” Mul. 3:17. Dhukkubsataa ta’uu kee yeroo hubattu batalluumatti gara ogeessa fayyaa adeemta.

Eenyumma keenya yeroo arginu, hangam cubbamaa akka taaneffii Yesuusiin akka nu barbaachisu mirkaneeffanna. ”Warri Yesusitti dhihoo jiraatan dadhabinafi cubbuu dhala namaa hunda ifatti kan hubatan yoo ta’an, abdiin isaaniis fayyisaa fannifameefi du’aa ka’e qofaadha” (GC, p. 471).

Waaqayyoo mooticha Hisqiyasiin qoree ilaalera (2 Seena Bara 32:31). Fakk 17:3 akka ibsuutti Waaqayyoo garaa keenya qoree ni ilaala jedha. Dawwitis kadhaata isaa keessatti qorii na ilaallii jechuun kadhaateera (Far 26:2). Pheexiroosiis immoo 1 Pheexiros 4:12 keessatti waanti akka ibdaa gubuu isini irraa yoo ga’ee iyyuu hindinqisiifattina jedhee dubbata.

”Cubbamaa ta’uu keenya hubachuun gara isa dhiifama nuuf gochuu danda’utti nu geessa; yeroo lubbuun gargaarsa kan hinqabne ta’uu ishee hubattu Kiristoositti ni dhiyyaatti, Innis humna guddaatiin eenyummaa isaa mul’isa.” SC.65.

Kanaafuu ”diinni keenya yeroo hundumaa lubbuu dhiphina keessa jirtuu waaqa irraati faggeessee tursiisuu barbaada” (Pr.p.270). Waaqa irraa addaan baanee jennaan cubbuu keessatti akka kufnu ni beeka waan ta’eef.

Yesuus kadhaata Abba keenya gara xumuraa isaatti dhoksa humnafi mo’iicha jala muruudhaan ibseera. Abdiin keenya inni tokkichi yeroo hundumaa nuti Kiristoos keessa ta’uufi Kiristoosiin immoo of keessaa qabaachuudhaa. Isaa irraa tassumaa gargari ba’uu hinqabnu. ”...Inni ulfina isin argachuuf jirtaniif abdii keessanii” (Qol.1:27).

Nuti qophaa keenya yaada garaa keenyaa geddarannee garaa haaraa qabaachuuf humna hinqabnu. Garuu kakuun isaa ifaafi amansiisaadha: ”Kanaafis namni kan kiristos yoo ta’e, uumama haaraa dha...” (2Qor. 5 :17).

Kanaafuu adeemsa hafuura keessatti essa akka jirtu baruuf maal gochuu qabda? Ija hafuuraatiin isaan beeknaa jedhe Yesuus [Mat. 7 :16]. Ija hafuura immo attamittiin godhachuu dandeessa? Kiritosi wajjin yeroo hundumaa walitti dhufeenya qabaachuudhaan [Yoh 15 :1-5] akkasumas hafuura isaatiin guutamuudhaan [Gal. 5:22-23].

”Beekumsi amanti namoota waldaa keessa tursa, garuu amalli immoo Yesuusii wajjin walitti dhufeenya fufiinsa qabu qabaachuufi dhabuu argisiisa” DA.pp.676. Yoo itti fufiinsaan isa keessatti hafte, akkamittiin akka inni hojjetu hubachuu sinbarbaachisu: Isatti amanuu qofatu sibaarbaachisa (Ibr.7:25).

”Karaan tokkichi isa hamaadhaan mormuu danda’an Kiristoos onnee keessa jiraachuu qofaadhaaniidha” (DA.p.324).

Waaqayyo akka ati dadhabbi malee kadhattuuf,yeroo hundumaa maqaa Gooftaa akka waammattuuf,isa waliin akka deemtuuf,walitti fufiinsa argamuun isaa akk sitti dhagaa'amuufi guutuu guutummaatti isa irratti akka of gattuuf,isa irraas raawwattee akka addaan hinbaaneef waamicha siif godhaa jira.Isa kana qofaadha jabinni kee,akkasumas yoo ati gara isaatti dhiyaatte akka gara keetti dhiyaatus waadaa galeera(Yaq.4:8).

Mee Waliin Hakadhannu.

Yeroo kadhannaa (Daqiiqaa 30–45)

Gareen kadhataa hundumtuu haala garagaraa itti waliin kadhata qabu.Daqiiqaa 30-45 itti aanee jiru kana keessatti akkaataa hafuurri qulqulluun isin qajeelcheen kadhata tokkummaadhaan akka isin qabaattaniif isin jajjabeessina.Kadhannaan haasawaa gabaabaa (hima 1-3)qabu ni jajjabeeffama.Kun akka namootni baay'een yeroo heedduu kadhataaniif gargaara.Armaan gaditti fakkenyotni muraasi karaa mata duree caaffata qulqulla'aa, kadhannaan muraasi dhiyaataniiru.Akkasumas karaa heertuu kan biros kadhachuu ni dandeessuu,kadhata keessan keessattis mata dureewwan kan biroos hammachiisuu ni dandeessu.Yaada kadhanna argachhuuf qajeelfama geggeessaafi gaaffii kadhannaa waldaa addunyaawaa ilaalaa.

Sagalee Waaqayyootiin Kadhachuu – Yaq.1:13

”Waaqayyo hamaadhaan hinqoramu,Inni ofii isaatii nama tokko illee hinqoru”

Waaqayyo Hamaadhaan Hinqoramu

Abbaa,Yesuus isa bakka keenya bu'uudhaan isa hamaadhaan mormee fi injifate waan nuuf ergiteef si galateeffanna. Si bira waan gaariifi ifa qofaa malee gonkumaa dukanni hinjiru.Ati cubbuudhaafi du'a akka injifatte,akkasumas si fakkaachuutti akka nu jijjiirtes ni beekna.Iji keenya gara kee qofa akka ilaaluuf nu gargaari!

Inni Ofii Isaatii Nama Tokko Illee Hinqoru

Yaa Gooftaa, adaraa qormaata isa Sitti addaan nu baasuu danda'uutti nu eegi.Fedhii ofittummaa keenya isa nu sossobu irraatii baqachuu nu barsiisi,akkasumas ija keenya gara amala kee isa mudaa hinqabneeetti nuuf deebisi.Waan ati jibite jibbuufi waan ati jaallatte immoo jaallachuuf nu gargaari.

Yaadota kadhannaa Dabalataa.

Galataafi Hooqubaa: Eebba isaa addaatiifi gaarummaa isaatiif galateeffadhaa.

Cubbuu Himachuu: Daqiiqaa muraasaa qalbii jijjiirrannaa dhuunfaatiif itti fayyadamaatii dhiifama isiniif gochuu isaatiif immoo waaqayyoon galateeffadhaa.

Qajeelfama: Qom-qabaa keessa jirtuufi murtoowwan garaa garaatiif waaqayyoon ogummaa kadhadhu.

Waldaa Keenya: Fedhii naannooleefi addunyaatiif kadhadhu, (waraqaa xiqqoo gaaffii kadhannaa qabu ilaali)

Gaaffii Naannoo: Waanta amantootaaf amma barbaachisuuf,maatiifi oollaaf kadhadhu.

Dhaggeeffadhuutii Deebii Kenni: sagalee deebii waaqayyoo dhaggeeffadhuutti yeroo fudhadhuutii galataafi faarfannadhaan deebisi.

Yaada Faarfannaa Dabalataa

Faarfannaa Adveentistii Guyyaa 7^{ffaa}: Guyyaa guyyaadhaan ((#590);Gara ofiikeeti na dhiyeessi((#306)

Faaruu kan biroos: Ati iddoo dhokannaa kooti; Yaa waaqa ko, onnee koo naaf jijjiiri